

**YARIM O'TKAZGICHLarda ZARYAD TASHUVCHILAR
KONSENTRATSIYASINI MUNTAZAM O'LCHASHDAGI
XATOLIKLAR**

*Sh.X.Daliyev - fizika-matematika fanlari doktori, dotsent
Yoqubjonova Ruxsoraxon Alisherjon qizi
FarDU magistranti
ruxsorayoqubjonova2212@gmail.com*

Annotatsiya: Ushbu tadqiqot ishida yarimo'tkazgichlarda zaryad tasguvchilar konsentratsiyasini muntazam o'lhashdagi xatoliklar yoritib berilgan.

Kalit so'zlar: zaryad tashuvchilar, konsentratsiya, tort zond usuli, kontakt, solishtirma qarshilik, temperatura, germaniy, kremniy, potensial to'siq, epitaksial qatlam.

To'rt zondli usul bilan o'lhashdagi xatoliklar solishtirma qarshilikni o'lhashning fizik modelining nazariyada qabul qilingan modelidan farqli bo'lishi formulaga kirgan kattaliklarni o'lhash, o'lhash sharti va tartibiga bog'liq bo'lgan tasodifiy, muntazam xatoliklar orqali aniqlanadi. Bu xatoliklar manbaini ko'rib chiqaylik. Ma'lumki, solishtirma qarshilikni to'rt zondli usul bilan o'lhashning fizik asosi-nazariyasi ko'rilgan vaqtida yarimo'tkazgich bilan zond nuqtaviy kontakt hosil qiladi, deb qabul qilingan edi. Amaliyotda bu shart hech vaqt bajarilmaydi, chunki kontaktning ma'lum yuzachaga ega bo'lishi o'lchov natijasiga muntazam xatolik kiritadi. Tok yoki potensial zondlari yarimo'tkazgich bilan kontaktlashganda radiusi r bo'lgan doiracha hosil qilsa, uning kiritgan xatoligi $(r/s)^2$ bilan aniqlanadi. Zondlar bir chiziqda yotgan holda zond kontakt yuzachasi potensial zondlardan birida paydo bo'lsa, nisbiy xatolik

$$\delta = \frac{\Delta\rho}{\rho} = \left(-\frac{1}{2} \ln 2 \right) \ln \left[\left(2 + \frac{r^2}{S^2} \right) / \left(2 - \frac{r^2}{S^2} \right) \right]$$

formula bilan aniqlanadi. Agar tok zondlaridan birida kontaktni nuqtaviy bo'lish sharti bajarilmasa, nisbiy xatolik

$$\delta = \left(\frac{1}{2} \ln 2 \right) \cdot \ln \left[\left(6 - \frac{r^2}{S^2} \right) / \left(6 - \frac{2r^2}{S^2} \right) \right]$$

ifoda bilan aniqlanadi. Zondlar tomoni S bo'lgan kvadrat uchlariga joylashgan holda potensial yoki tok zondlaridan birida kontakt yuzachaga ega bo'lsa, muntazam xatolik quyidagicha aniqlanadi:

$$\delta = \left(-\frac{1}{2} \ln 2 \right) \cdot \ln \left[2 \left(1 + \frac{r^4}{S^4} \right) / \left(1 + \left(1 - \frac{r^2}{S^2} \right)^2 \right) \right]$$

To'rtta zondning hammasida kontakt nuqtaviy bo'lmasa, umumiy xatolik yuqoridagi formulalar orqali aniqlangan xatoliklar yig'indisi bilan ifodalanadi.

Zondlar orasidagi masofaning takrorlanmasligi solishtirma qarshilikni aniqlashda muntazam xatoliklar kiritadi. Har bir zondlar holati yarimo'tkazgichda bir-biriga bog'lanmagan holda o'rtacha kvadratik xatolik bilan ΔS ga siljisa, qarshilikni o'lchashdagi tasodifiy xatolik zondlar orasidagi masofalar teng va ishonchlilik ehtimoli 0,95 bo'lgan holda hajmiy namunalar uchun

$$\delta \approx \frac{\Delta \rho}{\rho} = 2,06 \left(2 \frac{\Delta S}{S} \right)$$

bo'ladi. Solishtirma qarshilik yupqa qatlamlarda o'lchanganda zondlar orasidagi masofaning o'zgarishi bilan bog'liq tasodifiy xatolik

$$\delta \approx \frac{\Delta \rho}{\rho} = \frac{\sqrt{5}}{2 \ln 2} \left(2 \frac{\Delta S}{S} \right)$$

formula orqali aniqlanadi. Kontakt qarshiligi germaniy va kremniylarda potensial zondlar orasidagi namuna qarshiligidan $10^3 \div 10^4$ marta katta bo'lishi mumkin. Potensial zondlarning kontakt qarshiligidagi tushadigan kuchlanishni yo'qotish uchun 2 va 3 potensial zondlar orqali o'tadigan tokni yo'qotish kerak. Buning uchun kirish (ichki) qarshiligi katta bo'lgan voltmetrlar (elektrometrlar) qo'llaniladi yoki kompensatsiya usuli bilan kuchlanish o'lchanadi.

Namunadan tok o'tganda u qiziydi. Bu esa solishtirma qarshilikning o'zgarishiga olib keladi. Qarshilikning temperatura koefitsiyenti kremniyda 0,009 K gacha yetishi mumkin. Tok zondlarining kontakt qarshiliklari natijasida namunada zondlar chizig'i bo'yicha temperatura gradiyenti va potensial zondlarda qo'shimcha potensiallar ayirmasi (termik elektr yurituvchi kuch) paydo bo'lishi mumkin. Bu xatolik manbaini yo'qotish uchun solishtirma qarshilikni aniqlashda tokning kichik qiymatlarida va tokning ikki yo'nalishida o'lchash o'tkaziladi. Yarimo'tkazgich namunalarida solishtirma qarshilik aniqlanayotganda, uning qizimasligi uchun solishtirma qarshilikning kattaligiga qarab tokning ma'lum bir qiymatida (optimal tok qiymatlarida) o'lchash tavsiya qilinadi. Shuni aytib o'tish kerakki, ba'zan yuqori Om li kremniy namunalarida ($1000 \div 10000$ Om).tokning kichik sohasida ($I \text{ mA} > 0,3$) solishtirma qarshilikning tokka bog'liqligi kuzatilgan. Buni kichik tok sohasida namunada kirishmalar tekis tarqalmaganligi – fluktuatsiyasi natijasida paydo bo'lgan ichki maydonning tashqi maydondan kattaligi bilan tushuntiriladi. Shuning uchun

yuqori Om li namunalarda tok 1mA >1> 0,3 mA oralig'ida o'lchanadi, bu bilan namunaning qizishi kamaytiriladi.

ρ , Om	0,012	0,008÷ 0,6	0,4 ÷60	40÷ 1260	800
I, A	100	10	1	0,1	0,01

Zond bilan yarimo'tkazgich orasidagi kontakt qarshiligi to'rt zondli usulning qo'llanilishini chegaralovchi eng asosiy omillardan biridir. Ta'qiqlangan zona kengligi katta bo'lган A₂ B₆ va A₃ B₅ turdag'i yarimo'tkazgichlarda siqib qo'yiladigan zondlar hosil qilgan kontakt qarshiligi shunday katta bo'lishi mumkinki, bunda to'rt zondli usul ishlamaydi. Ba'zi bir hollarda bu qiyinchilikni yengishda zaryadlangan sig'imni zondyarimo'tkazgich orqali zaryadsizlash qo'llaniladi, bu bilan kontaktga ishlov beriladi. Natijada kontakt qarshiligi kamaytiriladi, metall-yarimo'tkazgich orasidagi potensial to'siq yo'qotiladi. Kontakt qarshiligi bilan metallyarimo'tkazgich orasidagi potensial to'siq bilan bog'liq bo'lган xatolikni kamaytirish uchun metall zondga ishlatiladigan materialning qattiqligi yarimo'tkazgichnikidan katta bo'lishi kerak.

Zond materiallari sifatida diametri D = 0,05 ÷0,5 mm bo'lган wolfram, karbid volfram simlari ishlatiladi. Zondlarning uchlari odatda 450 dan 1500 gacha burchak bilan charxlanadi. S2080 markali zondlar qurilmasida har bir zondga qo'yilgan kuch 1,75÷ 0,25 ga to'g'ri keladi, zondlari orasida masofa 1,3÷ 0,01 mm. S2171, zondlar qurilmasida zondlar orasidagi masofa 0,75÷ 0,008 mm, har bir zondga qo'yilgan o'rtacha siqish kuchi 0,7÷ 0,07 . Bu qurilmalar bilan sirt qarshiligini 0,1 dan 10⁵ oraliqda ±4,5% xatolik bilan o'lchash mumkin.

Solishtirma qarshilikning temperaturaga bog'liqligi bilan bog'langan muntazam xatoliklarni yo'qotish uchun o'lchov vaqtida temperatura nazort qilib boriladi. T-temperaturada solishtirma qarshilik ρ (T) ni bilgan holda shartli belgilangan T₀-temperaturaga mos keladigan qiymatga

$$\rho(T_0) = \rho(T) [1 - C_1(T - T_0)]$$

formula orqali keltiriladi. Bu yerda: T –solishtirma qarshilikning temperatura (termik) koefitsiyenti bo'lib, u yarimo'tkazgichlarning turiga, kirishmalarning tabiatiga va konsentratsiyalariga bog'liq.

Epitaksial qatlamlarning solishtirma qarshiliginini aniqlashda ularning xususiyati bilan bog'liq bir qancha xatoliklar paydo bo'lishi mumkin. Epitaksial qatlama solishtirma qarshilik o'lchanayotganda p-n va n-p strukturalarda p-n o'tishning hajmiy zaryad sohasi kengayadi. Epitaksial qatlarning solishtirma qarshiligi tagliknikidan katta bo'lganda hajmiy zaryad sohasining kengayishi epitaksial qatlam tomoniga bo'ladi. Bu hodisani hisobga olmay va formulalar bilan solishtirma qarshilik

hisoblanganda, uning qiymati orttirib o'lchangan bo'ladi. Yuqori Om li, yupqa epitaksial qatlamlarni o'lhashda bu xatolik 10÷ 20% ga yetishi mumkin.

Zondlardan o'tayotgan tokning ko'payishi p-n o'tishga qo'yilgan teskari kuchlanishni orttiradi, natijada hajmiy zaryad sohasidagi elektr maydon kuchlanganligi o'sadi. Bu sharoitda p- n o'tishini izolyatsiya qilish xossasi tokning ma'lum qiymatigacha saqlanadi. Tokning katta qiymatlarida hajmiy zaryadsohasi orqali taglikdan tok o'ta boshlaydi. Yupqa epitaksial qatlamlarning solishtirma qarshiliginini o'lhashda metall zond bilan epitaksial qatlamning teshilishi va taglikda shuntlanish kuchayishi mumkin. Bu hodisa sodir bo'lmasligi uchun zondga qo'yilgan kuchni kichik qilib tanlash kerak. Zondga qo'yilgan o'rtcha kuchlanish $0,3 \div 0,03$ V bo'lishi tavsiya etiladi. Zondga qo'yilgan kuchni bundan kam bo'lishi zond kontakt qarshiligini oshiradi, bu esa o'lchov asboblarini kirish qarshiliginini oshirishni talab qiladi. Epitaksial qatlamlarda yuqorida ko'rilgan omillar uning sirt qarshiliginini tokka bog'liq bo'lishiga olib keladi.

Foydalanilgan adabiyotlar:

1. M.A Azizov. Yarim o'tkazgichlar fizikasi. O'qituvchi nashriyoti 1974 y. 57-61 betlar. Toshkent
2. В.В.Батавин, Ю.А.Концевой, Ю.В.Федорович. Измерение параметров полупроводниковых материалов и структур. М. «Радио связь» 1985 г. 11-20 стр